

**Oqaluuserisassat pillugit nassuiaat.**

(Inatsisartut Siulittaasuut)

Siunnersuuteqartup imm. 87 tunuartippaa. Taanna ima qulequtaqaralarpoq: Naalackersuisut telemik niuernerup piviusumik unammilleqatigiiffiunissaanik ammaassillutik kingusinnerpaamik UPA 2014-imi inatsisitigut aaqqiissuteqarnissaq pillugu saqqummiussinissamut pisussaaffilerneqarnissaannik Inatsisartut aalajangiussassaattut siunnersuut, taamaalillutik internetimik neqeroorutillit nutaat niuerfimmuut isersinnaalerniassammata. Tamatumunnga ilanngullugu qulakkeerneqartariaqarpoq telemik niuernermi pilersuisussaataaneq attatiinnarneqassasoq pilersuisussaataanermilu amigartooruteqarneq telemik ingerlatallit ersoqatigiillutik matussusertassagaat.

Imm. 139-ip: Uunga siunnersuut: Erngup nukingata innaallagissiornermut atorneqartarnera pillugu Inatsisartut inatsisaat nr. x, x. [qaammat] 2014-imeersoq, aappassaaneerneqarnissaa pingajussaaneerneqarnissaalu kinguartippu.

Immikkoortoq maanna ulloq 13. maj aappassaaneerneqartussanngorpoq, ulloq 21. maj pingajussaaneerneqarluni.

Imm. 42-p: Inuit ilinnarnertuutut allamilluunniit ilinniakkamik naamassinnissimanermikkut oqaluttariarsornikkut allattariarsornikkullu tuluttoorsinnaasut qanoq meeqqat atuarfiini, piareersarfinni, sunngiffimmi ilinniartitaanerni suliffissaaleqisunulluunniit pikkorisarnerni tuluttut ilinniartitsisut atorneqarsinnaanersut pillugu Naalackersuisut nassuiaammik saqqummiussinissamik peqquneqarnissaannik Inatsisartut aalajangiiffigisassaattut siunnersuut. Nassu-iaat kingusinnerpaamik 1. august 2015 Inatsisartunut agguanneqassaaq, aappassaaneerneqarnissaa ulloq 21. majimut nuunneqarpoq.

Imm. 38-ip: Inuussutissarsiutiginaagu aalisarsinnaaneq piniarsinnaanerlu aatsaat ukiut pingasut Kalaallit Nunaanni najugaqareersimagaanni pisinnaatitaaffinngornissaa siunertaralugu Naalackersuisut UKA14-mut Aalisarneq pillugu inatsisartut inatsisaat nr. 18, 31. oktober 1996-imeersup kiisalu Piniarneq aallaaniarnerlu pillugit Inatsisartut inatsisaat nr. 12, 29. oktober 1999-imeersup allangortinnissaannut siunnersuusioqqullugit peqquneqarnissaannik Inatsisartut aalajangiiffigisassaattut siunnersuut, aappassaaneerneqarnissaa ulloq 4. junimut kinguatinneqarpoq.

Imm. 35-ip: Kalaallit Nunaanni pinerluuteqarsimasut singernerikkut nalunaarsuuteqarlutik angerlarsimaffimmi pineqaatissinneqarsinnaalernissaat anguniarlugu, Naalackersuisut Jusititsministerimut attaveqaqullugit peqquneqarnissaannik Inatsisartut aalajangiiffigisassaattut siunnersuut,

aappassaaneerneqarnissaa ulloq 15. majimut kinguartinneqarpoq.

Siunnersuuteqartup imm. 75 tunuartippaa. Siunnersuut ima qulequtaqaralarpoq:  
Kalaallit Nunaata Isiginnaartitsivia 2013-misulli atugaqalersinnaaqullugu 2015-mut Aningaasanut Inatsimmi, konto pingaarnermut 40.05.05 -mut Kalaallit Nunaata isiginnaartitsivianut 3 mio. kr.-inik immikkut aningaasaliisoqarnissaat pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Immikkoortoq oqaluuserisassanit peerneqarpoq.

Siunnersuuteqartup imm. 96 tunuartippaa. Siunnersuut ima qulequtaqaralarpoq:  
Qamutinuut motoorilinnut akitsuutitigut isertitat konto 24.11.11-mi naatsorsuutit kingullit aallaavigalugit isertitaasut affaasa sinerissami aqqusinigissaanernut aqqusinniornernullu atugassanngorlugit immikkoortinneqartalernissaat sulissutigeqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Immikkoortoq oqaluuserisassanit peerneqarpoq.

Kultureqarnermut, Ilinniartitaanermut, Ilisimatusarnermut Ilageeqarnernullu Ataatsimiititaliaq immikkoortut 36 aamma 78 aappassaaneerneqarnissaasa kinguartinneqarnissaannik qinnuteqarpoq.

Tassani pineqarput

imm. 36: Upernaviup eqqaani nunaqarfimmi Innaarsunni oqaluffiliornissamut Naalakkersuisut AIS15-imi 10 mio. koruuninik immikkoortitseqqullugit peqquneqarnissaannik Inatsisartut aalajangiiffigisassaattut siunnersuut, aamma imm. 78: Atuarfik pillugu Inatsisartut inatsisaat nr. 15, 3. december 2012-imeersumi § 25, imm. 4-imi aamma § 36, imm. 1-imi aalajangersarneqartut naapertorlugit meeqqanut inuusuttunullu ineriikkiartornermikkut kingusissunut nerisaqarfigiutigalugu atuarfittut immikkut ilusiligaasumik suli ataatsimik pilersitseqqullugit ingerlatseqqullugillu Naalakkersuisut peqquneqarnissaannik Inatsisartut aalajangi-iffigisassaattut siunnersuut.

Siunnersuutigineqarpoq imm. 36 ulloq 22. maj imm. 78-ilu ulloq 20. maj aappassaaneerneqassasut.

**Ullumi ataatsimiinneq eqqarsaatigalugu taasisarnerit pillugit isumaqatigiissuteqarput:**

Juliane Henningsen, Inuit Ataqtigiit aamma Aleqa Hammond, Siumut  
Sara Olsvig, Inuit Ataqtigiit aamma Doris Jakobsen, Siumut  
Evelyn Frederiksen, Siumut aamma Naaja Nathanielsen, Inuit Ataqtigiit